



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mechlinia Illustrata Luce Miraculorum S. Francisci Xaverii
Orbis Utriusque Solis Ac Thaumaturgi Chronicis Distichis
evulgata Anno M.D.C.LXVI.**

Grumsel, Gérard

Mechliniae, 1666

Approbationes Miraculorum.

urn:nbn:de:hbz:466:1-11918

APPROBATIONES
MIRACULORUM

PRIMA

Andreas Dei & Apostolica Sedis gratia
Archiepiscopus Mechliniensis &c. omnibus
has visuris salutem in Domino.

Cum nuper approbaverimus sacras Reliquias de Brachio dextero Sancti Francisci Xaverii Indianorum Apostoli, easque publicae venerationi exponendas esse decreverimus, quod magis Dei cultus, qui in Sanctorum suorum honoribus honoratur, caperet incrementum, insque rite & solemniter in Templo R. R. Patium Societatis IESU Collegii, & Domus Probationis Mechliniensis expositis, tantum in veneratione, tam à populo Mechlinensi, quam à circumiacentibus haberi cæptæ sint, ut Divina Bonitas, quæ innumeris miraculis per varias mundi plagas hunc Sanctum suum mirificavit, hanc etiam Christi Fideliū devotionem variis signis & subitaneis curationibus ostenderit sibi esse acceptam. Nos igitur, quibus nihil magis cordi est, quam ut honor Dei nostri, qui Zelotes est, in creaturis suis erga Sanctos suos crescat, & incessabili gratiarum actione laudetur, deputavimus è Capitulo nostro Metropolitico R. R. Admod. D. D. Confratres nostros Dismam Corten Cantorem, & Franciscum vanden Driessche Archipresbyterum, J. U. Licentiatos & Canonicos, qui juxta SS. Canones & Sacrosancti Concilii Tridentini formam, examinarent sollicitè omnia, quæ ad nos miraculosè accidisse indies delata sunt. Quibus discussis, & examinatis informationibus Medicorum, & testium depositionibus in approbandis Miraculis adhiberi solitis (ex quibus constat & liquet Joannem Gommaerts Juvenem octodecim annorum à gravissima

vissimâ Phrenitide , & morbo furioso , matre ejus *Sarâ Diffon*
ad Sacras Sancti *Francisci Xaverii* Reliquias pro filio suo votum
faciente, precesque fundente, subitanè & perfectè curatum esse:
Item *Annam van Bael* ætatis annorum septemdecim, dum ad dictas
S. Reliquias per Novenam preces fundit & votum , sinistri oculi
triennali cœcitate curatam, & ex dextero, qui propemodum ex
duobus floccis, seu pelliculis illi incumbentibus omni potentia
visivâ destitutus erat, planè sanatam, ut utrâque oculorum acie
ab eo tempore perfectè utatur) Nos de virorum gravium consilio
& assensu, in Dei nomine, utramque istam in dictis *Joanne Gom-*
maerts, & *Anna van Bael* curationem, prout latius in dictis in-
formationibus probata est, supernaturalem, & non nisi Divinâ
virtute & Miraculo factam esse, & Sancti *Francisci Xaverii* inter-
cessioni adscribi posse declaravimus, (in puncto trium calculorum
nostrorum felicis sectionis, quam etiam magni illius Sancti in-
tercessioni summâ fiduciâ commendaveramus) & declaramus
per præsentes: Exhortantes omnes Christi fideles ad sacram di-
stiarum Reliquiarum venerationem & cultum, ut per intercessio-
nem S. *Xaverii* tam à mentis, quàm à corporis infirmitatibus in
Domino mereantur liberari.

*Datum Bruxellæ in Aula nostra Archie-
piscopali sub nostris signatura & sigillo die
10. Mensis Maii, Anno Domini M.DC.LX.*

Locus + sigilli.

Andreas Archiep[iscopus] Mechliniensis.

Q.

SE.

S E C U N D A.

ANDREAS Dei & Apostolicæ Sedis gratia Archiepiscopus Mechliniensis &c. Omnibus has visuris salutem in Domino.

CVM iuxta commissionem nostram jam pridem datam Reverendis admodum Dominis Dismæ Corten Cantori & Francisco vanden Driesche Archipresbytero Ecclesiae nostræ Metropolitanæ Canonicis super inquisitione facienda de portentosis sanationibus factis in personis, quæ recursum suum cum fiducia habuerunt ad Sanctas Reliquias S. Francisci Xaverii per approbationem nostram expositas fidelium venerationi in templo Societatis JESU Mechliniæ: quodque iidem Domini sedula diligentia & industria commissioni nostræ incumbentes, nobis varia legalia, & omni prorsus fraude carentia exhibuerunt, ex quibus patent & probata sunt sequentia: Quod Joannes de Regere Mechliniensis septennis filius Martini toto corpore ulceribus plenus & pure fluentibus, dum pro eo parentes & amici vota ferunt, Novenamque devotè instituunt ante dictas Reliquias, dictæ Novenæ tempore nullis adhibitis medicamentis, quæ antea sæpius in vanum fuerant adhibita, perfectè & purissime fuerit sanatus; Item quod Renerus Tys villicus in Wavriâ S. Catharinæ, qui spatio novem annorum utramque tibiam habuerat ulceribus tæbe fluentibus plenam, voto facto invisendi dictas Sanctas Reliquias spatio octo dierum perfectissimè fuerit sanatus, ita ut que quidem cicatrices apparerent; denique quod Jacoba van Binnebeeck etatis 35. annorum fuerit gravissimè intoxycata & variis morbis afflita per spatium quatuor annorum, ita ut sæpius evomuerit magnam quantitatem crinum in formam globorum implicitorum, atque etiam clavos ferreos tam magnos, quam parvos, aciculas, capillos, uncos, & notabilem bamum piscis, & alia id genus: quare à diversis Religiosis sæpius fuerit exorcisata, sed in vanum; tandem post osculatas tribus distinctis diebus per eamdem dictas Reliquias ab omni morbo & intoxicatione perfectissimè fuerit eodem tempore sanata.

Quas

Quas quidem subitas & mirabiles sanationes diligent per nos facta
examine in talibus adhiberi solito, tenore praesentium declaramus su-
pernaturales, & miraculis adscribimus, & ut tales volumus pu-
blicari, ut Christi Fideles excitentur ad devotas preces fundendas
Divinæ Bonitati, quæ per intercessionem magni illius Indiarum
Apostoli Sancti FRANCISCI XAVERII talia signa & dona
desuper etargiri dignata est: ut quod in tribus hinc personis acci-
disse & miramur & veneramur, etiam in omnibus necessitatibus
nostris eundem apud Majestatem Divinam habeamus patronum. In
quorum fidem praesentes signatur & sigillo nostris munitas dedi-
mus

Mechliniæ die quartâ Mensis Novembris
Anno Domini. M. DC. LX.

Locus + Sigilli.

Andreas Archiepiscopus Mechliniensis

T E R T I A.

ANDREAS Dei & Apostolicæ Sedis gratia Archiepis-
copus Mechliniensis &c. Omnibus has visuris falu-
tem in Domino.

Quemadmodum inter varias urbes, quæ sacras Sancti FRAN-
CISCI XAVERII colunt Reliquias; in primis in Belgio
eminet Mechlinia Diocesos nostræ sedes, ubi primum illæ No-
bis approbantibus publicæ venerationi in templo Societatis JESU
fuere expositæ: ita ad plura & illustrioria conferenda beneficia, per
miraculosum & beneficium brachium Servi sui, ibidem indies Divina
Manus sese extendit. Nam præter ea, quæ à nobis & aliis Ecclesia
Præsulibus mature examinata atque ritè antehac approbata sunt
beneficia ac miracula; intellectimus non ita pridem, gloriosum illum
Indiarum Apostolum fecisse iterum prodigiosam sane potentiam in
brachio

brachio suo. Quod ut certius nobis *de* omnibus constet, hisce notum facimus, accuratè inquire jussisse nos in subitam, hodieque perseverantem sanationem à novennali Herniâ, quam prædicti Sancti beneficio civis quidam Mechliniensis impetravit, uti ex consequente autenticâ narratione ad nos transmissâ fit manifestum.

Guilielmus Ploegaerts ætatis annum agens quintum supra septuagesimum, novem omnino annos gravissimis Herniæ intestinalis cruciatibus afflatus fuit, extuberante sæpius malo ad magnitudinem infantilis capitidis. Hujus rei oculata testis est *Margareta de Hooc Guilielmi* conjux: & præterea *Ludovicus van Bael*, qui non semel juratus deposuit, se prædictum Guilielnum præ dolore in mœnibus prostratum, & procedere non valentem, manu suâ admotâ, ita affectum, paucis, antequam sanatus est, diebus deprehendisse. Quem etiam à quatuor, aut quinque retro annis, quibus cum eo laboravit, non raro animadvertisit ex eo malo ab opere desistere debuisse.

Fecerat enim virum morbi vis jam ab initio laboribus planè imparem accrescentibus in dies doloribus. Adeo vehementer, potissimum eâ nocte, quæ undecimam mensis Decembris diem Anno 1662. subsecuta est, cruciatus fuit, ut sibi supremam horam propius instare persuaderet: protestatus beneficij loco habiturum se, si violentâ licet morte, miserabilem clauderet vitam. Inter vicinos lamentantis ejulatibus somno excitatos, filia quædam, sub horam à media nocte primam, in levamen ægri, & ipso quidem inscio, votum fecit *S. FRANCISCO XAVERIO* Mechliniæ ad miraculosa ejus Lipsana persolvendum. Facto voto cessat audiri omnis omnino ægri lamentatio. Primo mane adit *Guilielmi* domum vicina, percunctatur qui valeat: responderet *Magdalena Guilielmi* filia, jam inde ab hora noctis prima hucusque levi somno obdormiscere. Tum verò vicina: at, inquit, hâc ipsâ noctis horâ in solatium parentis tui magno illi Indiarum Apostolo *FRANCISCO XAVERIO* votum emisi, quod protinus persolvam. Iam inde à concepto illo persolutoque voto, ad hodiernam usque diem perstat *Guilielmo* perfecta curatio: nec ullum prorsus interea temporis, quod duos jam annos complectitur, ex antiquo malo dolorem

rem sensit: incessit, peregrè profectus est, laboravit eâ facilitate ac si nunquam ullis Herniæ cruciatibus affectus fuisset. Quin imò vir id ætatis, primâ Maii Anni 1663. à recuperata valetudine mense sexto, Mechliniâ Antverpiam sarcinâ onustus, uno eodemque die, pedes pervenit, alacerque reversus est. Deinde inter ardentissimos solis æstivi calores rursus Mechliniâ Bruxellam unius diei spatio ivit redivitque sanus & incolumnis. Testatur præterea Guilielmus duobus ab obtenta sanitate annis sese consuetis artis suæ, quam profitetur, laboribus sane difficultibus, (olior enim est) citra ullum doloris sensum strenuè persunctum esse, todisse, semina terræ mandasse, humido frigidoque solo, hor̄ti sui excolendi gratiâ ad multas horas incubuisse, & cœtera ejusmodi laboriosa opera fecisse, quæ Herniæ malo maximè adversari experientia edocet. Item plantasse, loco suo dimovisse, ascendisse arbores, & quidem nuperâ estate ex una earum justæ magnitudinis casu in terram corruiisse, nullo prorsus antiqui mali apparente indicio. Quamvis antea, totis novem, quibus eo afflatus fuerat, annis, tum potissimum, cum aut cœlum humidius, ac frigidius esset, aut artis suæ laboribus non nihil intendisset, ingenti doloris sensu, continuò è corpore erumperet, ingravesceretque.

Posteaquam ad aures nostras à pluribus viris fide dignis hæc omnia pervenissent; de iis per Reverendos admodum Dominos Antonium Vermeulen S. Theologicæ Licentiatum & Ecclesiæ nostra Metropolitanæ Canonicum graduatum; & Joannem Baptistam Bernartium ejusdem Ecclesiæ Plebanum ac Canonicum, Commissarios ad hoc deputatos ex nostro mandato, captæ sunt de singulis informationes, in forma legitima: quibus prædictus Guilielmus ejusque uxor, ac filia & Ludovicus van Dael jurati subscripsere; quaque iidem R. R. DD: Commissarii suâ manu firmarunt, & ad nos transmiserunt. Acceserunt præterea multiplicita nominatissimorum Medicorum testimonia, Mechliniensium, Antverpiensium, Bruxellenium, & duorum priorum Medicinæ Professorum ac Doctorum in celeberrima Academia Lovaniensi: qui pari omnes consensu attestantur, ejusdem subitam ac constantem à novennali Hernia liberationem in viro 75. annorum, supra naturæ vires esse. Quibus auditis, & coram Deo mature expensis

pensis, nec non super eo etiam Theologorum & aliorum doctorum
virorum habito consilio juxta modum in approbatione novorum Miraculorum a Concilio Tridentino præscriptum: conformantes nos R.R.
DD. Commissariorum sententiæ; qui maturè & accuratè omnia ex-
aminarunt, & appenderunt: decernendum duximus, prout per præ-
sentes decernimus, posse & debere dictam Guilielmi sanationem mi-
raculosam, & per merita S.FRANCISCI XAVERII a Deo factam
& impetratam censeri, & publicari, & ut tales publicamus, ac
decernimus. In quorum fidem base manu & sigillo nostris mun-
tas per Secretarium nostrum expediri jussimus, Deum qui glorifican-
tes se glorificat, & in Sanctorum suorum honoribus honoratur, bu-
milititer deprecantes, ut sicut Beati F RANCISCI XAVERII
gloriosa merita ac beneficia experti & venerabundi agnoscimus; ita
ejus pia patrocinia deinceps sapienter sentiamus.

Datum Bruxellis, die
23. Mensis Novemb.
Anno Domini 1664.

Locus + sigilli.

Andreas Archiepis. Mechliniensis

Q U A R T A.

Judocus Houbraken Ecclesiae Cath. Antverpiensis Canonicus, & Episcopatus Sylvæducensis vacantis Vicarius generalis Omnibus has visuris salutē in Domino.

In ter indubitata veræ Ecclesiæ signa, miracula sunt, in infidelium ad fidem conversionem, & fidelium in eadem confirmationem quandoque patrari solita. Eximè iis claruit in vita, & post mortem S. FRANCISCUS XAVERIUS è Societate JESU Indianum, ac Japoniarum gloriósus Apostolus, quem miraculosum, ac beneficium Brachium suum, cuius particula aliqua Mechliniæ in templo Societatis JESU publicæ venerationi est exposita, etiam ad subditos nostros extendisse intelleximus. Quod ut certius constet, hisce testatum facimus, sigillatim inquisivisse nos, & inquiri curaße in liberationem à maligna febri, subitamque virium instauracionem, quam ejus beneficio filia quædam in Diœcesi nostra Sylvæducensi, hoc, qui subjungitur, modo est consecuta.

Cum Anno 1662. Bredæ pestis graflaretur, laboranti illic fratri adstitit N. N. Villica è territorio Sylvæducensi. Domum redux, & ipsa cœpit Malignâ febri laborare, & maritum, filios duos, ac filiam Catharinam 22. annos natam infecit. Matre primum, ac mox Patre malignitate morbi sublatis, & fratribus subindè eâdem correptis, Catharina inde à 26. die Julii usque ad 23. Augosti ita continuatis ejusdem ardoribus est exhausta, ut viribus, ac mente tandem etiam destitutæ, cum nullum superesset in arte remedium, vitæ ulterioris spem denegarit expertus Chirurgus, qui scripto hæc, quæ narramus, inter alios juratus iteratò confirmavit. Indubitata opinio erat inter amicos, ac vicinos pestiferâ lue domum infectam. Non erat itaque, qui solatium ægris, qui necessarium obsequium præstaret. Non deseruit tamen desertos ab omnibus suis Pastor confisus per merita, & intercessionem S. FRANCISCI XAVERII, & ægros liberandos à morbo, & se à contagione servandum. Cum ergo Catharinam sub feram vesperam sacrâ unctione muniisset, eodem vespere regreslus S. FRANCISCI XAVERII imaginem attulit, quæ sacras ejus Reliquias Mechliniæ

R

Mira-

Miraculis claras attigerat, & Catharinæ maximè periclitanti per fratrem offerens, omnes ad fiduciam in Sancti illius intercessione apud Deum locandam excitavit. Jam quartuni, quintumve diem jacuerat Catharina impotens se movere, oblatam imaginem arripuit, & osculta est magnâ cum fiduciâ, quam ut porrò per noctem foveret Pastor adhortatus, domum se recepit. In sequente die bene mane, nemine opitulante, nemine concio vestibus se suis induit, lecto eripuit Catharina, & ædes in ambulavit. Quin & in campum illo ipso die egressura fuit, pabulumque jumentis quæ situra, nî fratres continuissent: postridie re ipsâ quæ sivit: cumque D. Pastor ædes interea ingressus vel mortuam vel animam agentem in lecto quærit adest illa ad fores ingenti onusta corbe, pabulumque in agro collectum infert. Hæsit attonitus Beneficii novitate D. Pastor: mox increpuit, quod tam temerè cœli se, solisque injuriis, ac recidivæ periculo commisisset; fidenter illa: sollicitudinem mitte, inquit, nihil periculi subest, ab hesterno mane me Sanctus ille persanavit, ac viribus restituit.

Hæc omnia cum ad nos fuissent in legitimo instrumento delata; cui D. Pastor, ipsa Catharina, Chirurgus, fratres duo, aliqui consanguinei, & vicini jurati subscriperant: constituimus primum Commissarium in partibus illis virum probum, & intelligentem, qui postquam in omnia nostro nomine inquisivit, iteratoque, interpositâ juris iurandi fide, eadem ex Catharina intellexit, omnia suâ etiam signaturâ firmavit: deinde nos ipsi coram hâc Antverpiæ prædictam Catharinam in praesentiâ sui Pastoris omnium concii examinavimus, & sub eâdem religione sic omnia accidisse comperimus. Quibus compertis cum etiam nobis submissa scripto fuissent expertissimorum Medicorum Judicia, hâc super re consultorum, Tungrensis, Bruxellensis, ac præsertim duorum primiorum Doctorum, ac Medicinæ Professorum, aliorumque duorum celeberrimæ Academiæ Lovaniensis unanimiter censem, istam virium restorationem naturæ vi tam exiguo temporis spatio obtineri non potuisse; ut nihil non ritè, ac juxta Concilii Tridentini placita perageremus, viros doctos ac Theologicæ peritos consulamus, ac coram, & cum iis iterum prædictam Catharinam audivimus, omnibusque tandem coram

ram Deo maturè consideratis, decernendum post longam, & sèpius iteratam inquisitionem putavimus, prout per præsentes decernimus, posse dictæ Catharinae sanationem tamquam miraculosam, & per merita Sancti FRANCISCI XAVERII à Deo factam, & impetratam censeri, & publicari; & ut talem publicamus & censere nos testamur: Auctorem omnium Deum rogantes, ut sicut Indianorum gentes Sancti FRANCISCI XAVERII dum vixit, prædicione, & Miraculis Ecclesiæ suæ aggregare voluit, ita modo bisce in partibus ejusdem Miraculis, & intercessione fideles populos velit in eadem conservare, & confirmare; usque, qui quovis errore ab eis segregati sunt, ad eamdem benignè reducere. In horum omnium fidem basce manu propriâ signavi, & Vicariatus nostri sigillo muniri curavi. Die XIX. Mensis Martii, Anno Domini 1664.

Locus * Sigilli,

J. HOE BRAKEN

APPROBATIONES BENEFICIORUM

§. I.

ANDREAS Dei, & Apostolicæ sedis gratiâ Archiepiscopus Mechliniensis Omnis has visuris salutem in Domino. Cum in dies clarescant plura, ac plura Beneficia quæ divina manus largè conferre dignoscitur ad sacras Reliquias de Brachio dextero magni Indianorum Apostoli S. FRANCISCI XAVERII in templo Societatis JESU Mechliniae fidelium venerationi, nobis approbantibus expositas, de iisque per Revend. Admodum Dominos Commissarios ad hoc deputatos legitimæ sint captæ informationes: Nos per eos debitè informati (quamquam non dubitarent quin complura Miraculis à nobis merito adscribi posse viderentur) maturiori adhuc examini illa cum aliis reservantes neque certi quidquam in præsentiarum decernentes, vulgari typis omnia dumtaxat permittimus, in fide bonâ eorum, quise à S. FRANCISCO XAVERIO accepisse apud supradictos Reverendos Admodum Dominos Commissarios legitimè deposuere, ut videant omnes non esse abbreviatam manum Domini, quin salvare possit, etiam in particulâ Brachii Servi sui: adeoque incitentur ad divinam ejus misericordiam per Sancti sui intercessionem ferventiùs implorandam, & felicius consequendam. Datum Mechliniae die decimâ sextâ Mensis Februarii, Anno Domini 1662.

Locus * Sigilli.

ANDREAS Archiepiscopus Mechliniensis